

# Funkis- konvenšuvdna



# UngFunk

# Funkiskonvenšuvdna

|   |  |   |   |   |  |
|---|--|---|---|---|--|
| <b>1. Ulbmil</b> <p>Funkiskonvenšuvdna galgá sihkkarastit ahte funkisat ožžot seamma olmmošvuoigatvuodaid go buohkat earát, ja dat lea šiehtadus man riikka eiseválddit galget čuovvolit.</p>   | <b>2. Definišuvnna</b> <p>Loga čilgehusaid sániin mat geavahuvvojit konvenšuvnna, ungfunk.no.</p>  | <b>3. Konvenšuvnna vuodđojurdda</b> <p>Konvenšuvnna váldoášši lea iešmearrideapmi, iešheanalašvuohta, searvan, fátmasteapmi, ii vealaheapmi, girjávuođa vuhtiváldin, seamma vejolašvuođat, beasatlašvuohta, heiveheapmi, dásseárvu sohkaheapmi gaskkas ja mánáid árvvusatnin.</p> | <b>4. Eiseválddiid ovddasvástádus</b> <p>Sis, geat mearridit riikkas, lea ovddasvástádus dasa ahte funkisain leat seamma vuoigatvuodaid go buohkain earáin, ja sii galget čuovvolit daid.</p> | <b>5. li vealaheapmi</b> <p>Funkisain lea riekti meannuduvvot seamma láhkai ja oážžut seamma láhkassuddjema go earáin, ii ge sin galgga vealahit, ii ge meannudit vuoigatmeahttumit.</p>  | <b>6. Nissonolbmot</b> <p>Sii geat mearridit riikkas, galget sihkkarastit ahte nieiddain ja nissonolbmui geain leat doaibmahehttehusat ja kronalaš dávdad, leat seamma vuoigatvuodaid go earáin, danne go sii dávjiit meannuduvvojit vuoigatmeahttumit.</p>    |
| <b>7. Mánát</b> <p>Sii geat mearridit riikkas, galget sihkkarastit ahte mánát geain leat doaibmahehttehusat ja kronalaš dávdad, olmmošvuoigatvuodaid ollašuttuvvojit. Mánáin buoremussan galgá vuoruhuvvot, ja mánát galget beassat dadjat iežaset oaivvildit ja guldaluvvot.</p> | <b>8. Máhttu funkisvuoigatvuodaid birra</b> <p>Funkisvuoigatvuodaid galgá oahpásmahttit buohkaide.</p>   | <b>9. Beasatlašvuohta</b> <p>Servodat galgá leat olámmuttus, ja sii geat mearridit riikkas, galget váldit eret hehttehusaid nu, ahte buohkat sáhttet searvat servodahkii.</p>   | <b>10. Riekti eallimii</b> <p>Funkisain lea riekti eallit nu mo earát.</p>  | <b>11. Váralaš dilálašvuođat</b> <p>Sii geat mearridit riikkas, galget suodjalit funkisaid earret eará sodiin ja heahpediliin.</p>  | <b>12. Láhka lea seammalágan buohkaide</b> <p>Funkisain lea riekti ieža mearridit, ja láhka galgá leat seammalágan sidjiide go earáide.</p>  |
| <b>13. Beasatlašvuohta riektevuođahkii</b> <p>Funkisain lea riekti searvat riektevuođahkii ja meannuduvvot seamma láhkai go earát doppe.</p>  | <b>14. Friddjavuhta ja sihkkarvuohta</b> <p>Ii oktage galgga massit rievtti friddjavuhtii ja sihkkarvuohtii danne go sis lea doaibmahehttehus.</p>   | <b>15. Biinnideapmi</b> <p>Funkisat eai galgga biinniduvvot ja nu ain, ja sin ii galgga goassige meannudit olmmošmeahtun láhkai.</p>  | <b>16. Ávkástallan, veahkaváldi ja illasteapmi</b> <p>Sii geat mearridit riikkas, galget suodjalit funkisaid ávkástallama, veahkaváldi ja illasteami vuostá.</p>                              | <b>17. Dohkkeheapmi</b> <p>Funkisaid galgá dohkkehit nu go sii leat.</p>  | <b>18. Lihkadan-friddjavuhta</b> <p>Funkisain lea riekti gullat muhtun riiki, mannat gosa háliidit ja orrut gos háliidit. Mánáin geain leat doaibmahehttehusat ja kronalaš dávdad, lea riekti nammii, dovdat iežaset váhnemiid ja oážžut fuolahusa sudnos.</p> |
| <b>19. Seamma válljenveajolašvuođat</b> <p>Funkisain lea riekti eallit iežaset eallima nu mo ieža háliidit ja seamma válljenveajolašvuođaiiguin go earáiguin.</p>   | <b>20. Mobilitehta</b> <p>Sii geat mearridit riikkas, galget fuolahit ahte funkisat besset mannat gosa áigot iešheanalaččat servodagas.</p>  | <b>21. Cealkin-friddjavuhta</b> <p>Sii geat mearridit riikkas, galget fuolahit ahte funkisat ožžot dieduid ja besset dadjat ja oaivvildit maid háliidit.</p>  | <b>22. Priváhtaeallin</b> <p>Funkisain lea riekti priváhtaeallimii sisabahkemiid haga, beroškeahtá gos orožit.</p>  | <b>23. Bearaš</b> <p>Funkisain lea riekti mearridit iežaset bearašeallima. Mánáin geain leat doaibmahehttehusat ja kronalaš dávdad, lea riekti orrut ovtta iežaset váhnemiiguin, earret dalle jus dat ii leat buorre mánái.</p> | <b>24. Oahppu</b> <p>Funkisain lea riekti vázzit skuvlla ja váldit oahpu.</p>  |
| <b>25. Dearvvašvuohta</b> <p>Funkisain lea riekti buori dearvvašvuhtii ja oážžut dearvvašvuodabálvalusaid.</p>  | <b>26. Habiliteren ja rehabiliteren</b> <p>Sii geat mearridit riikkas, galget sihkkarastit ahte funkisat ožžot dan lášmmohallama maid dárbbasit vai sáhttet eallit eanemus lági mielde iešheanalaččat.</p> | <b>27. Bargu</b> <p>Funkisain lea riekti bargui seamma láhka go earáin.</p>   | <b>28. Eallindili</b> <p>Funkisain lea riekti buori eallindili.</p>   | <b>29. Politihkken</b> <p>Sii geat mearridit riikkas, galget sihkkarastit ahte funkisat galget beassat politihkket seamma láhkai go earát ge.</p>   | <b>30. Astoáigi</b> <p>Funkisain lea riekti searvat kultuvrii, valástallamii ja astoáiggedoaimmaide. Funkisat galget dohkkehuvvot iežaset kultuvrralaš ja gielalaš identitehta geažil seamma láhkai go earát ge.</p>   |